

جريدة حكاية

١٢٩٠

صالي

نومرو	ذی الحجه	سنه	تشرین ثانی	سنه	صحیفه
۲۱	۱۷	۱۲۹۶	۲۰	۱۲۹۵	۱۶۱

* اشبو غزته بهر هفته صالی کونلری چیقار . سنه لکی الشمس غروش و بهر نسخه سی الشمس پاره *
 * مجیدیه اوله رق هر برده صاتیلور . درج اولنه جق اعلاناتک بهر سطرندن ایکی غروش النوز . *
 * سنه لکنه مشتری اولق استیانلر عدلیه نظارت جلیله سی اوراق مدیر لکنه مراجعت ایتملیدر *

(در سعادت و بالجه ولایات محکمه استینافیه لری)
 (مدعی عمومیلرینه ۲۷ ذالقعده سنه ۹۶ تاریخیه)
 (یاز یلان تحریرات عمومیه نک صورتیدر)

اعلامات حقوقیه نک صورت اجرا سنه دأر اولان
 قانون موقت احکامنه توفیقا اجرا مأمورلری
 و مباشرلرینک اجرای وظیفه لری اثناسنده مراجعات
 وقوعنده ضبطیه ضابطان و نفراتیه مأمورین
 سائر طرفلرندن اجرا معاملاتنده تسهیلات و معاونات
 مقتضیه نک ایفاسی حقنده لدی الحاجه ابراز و ارائه
 اولمق و احکام مندرجه سنه توفیق معامله قلمش
 اوزره اجرا مأمورلری یدنده بولمسی لازم کلان
 بیورلدی عالینک نسخ متعدد کافیه سی لفا ارسال
 قلمش اولمغه اکا کوره اقتضاسنک اجرا و ذکر
 اولنان بیورلدیلرک دأره مأموریتکز داخلنده بولنان
 محاکم حقوقیه رؤسای معرفتیه محکمه نک مهری
 موزک اسمی درج اولنه رق اجرا مأمورلرینه

(در سعادت و بالجه ولایات محکمه استینافیه لری)
 (مدعی عمومیلرینه ۲۷ ذی القعده سنه ۹۶ تاریخیه)
 (یاز یلان تحریرات عمومیه نک صورتیدر)

محاکم نظامیه نزدنده مأمور اولان مدعی عمومیلر ایله
 مستنطقلرجه جریان ایدن معاملاته مخصوص
 اولوب انلر طرفندن طوتلق اوزره محکمه تمیز باش
 مدعی عمومیلر کندن ترتیب و تنظیم قلمش و نمونه لرینه
 تطبیقا بهری بوزر ورقدن عبارت اوله رق طبع
 اولنان اوچ قطعه معامله و ذمت دفترینک هر طاقندن
 لزومی مقداری بر صندوق دروننه موضوعا و پوسته یه
 تودیمعا عموم صره سنه طرفکره دخی ارسال قلمش
 اولمغه اکا کوره ایفای وظائف و معاملاته ابتدار
 ایله کندولرینه مخصوص اوللردن برر عددینک
 دخی دأره مأموریتکز داخلنده بولنان اوا و قضا
 محاکم ابتداییه سی مدعی عمومی معاونلر یله مستنطقلره
 تبلیغی باش مدعی عمومینک افاده سی اوزرینه اشعار
 اولنور

توزيع واعطاسی محکمه تمیز باش مدعی عمومیکونک
تبلیغه تعمیماً اشعار اولنور

(فی ۴ ذیحجه الآخر سنه ۹۶ تاریخله محکمه)
(استیناف حقوق داره سندن ویریلان اعلامک)
(صورتیدر)

محکمه استیناف حقوق قسمندن ۴ ذی القعدة سنه
۹۴ تاریخله ویریلان اعلامک تمیزی حقنده شهر
امانت بهیه سی مجلسندن تنظیم واعطا قلنان
مضبوطه ایله اوراق متفرعه سی محکمه تمیز حقوق
داره سنده مطالعه اولندی

اعلام مذکورک خلاصه ماننده مر جانده قری خاتون
خانک اوست قاتنده اولوب امانت مشارالیه جانندن
هدم ایتدیریلان اوج باب اوطه دن ایکسینک
متصرفی بولان حیدر پاشا خسته خانه سی مدیری
مصطفی بک ایله دیگر برینک متصرفی اولان
دارالعلمیات مدیری امین افندیگ اقامه ایلدکری
دعویه دار اوراق مفاهیمندن مستفاد اولدیغی
اوزره مومی الیه مانک صورت ادعای مذکور اوطه لر
صاغلام اولدیغی حتی هدمدن سکر آی اول تعمیر
وترمیم ایلدیگی و خانک اوست قاتنده کی دیگر
اوطه لرک سقط بولمسی ملاسسه سیله هدم اولغی
اوزره تخلیه ایدیلوب بوصره ده کندی اوطه لرده
بولنان مستأجرلرک دخی اخراج اولمسندن طولانی
اوزمان ابنیه مأموری بولنان رفیق افندی به بلراجعه
کندی اوطه لرک دیگرلری کی مائل انهدام
اولدیغی جهته هدم ایتدیرلمه جکی افاده و مستأجرلرک
ینه اسکانی خانک اوطه باشیسنه تنبیه ایلدیگی حالده
مؤخر کندیلرینه معلومات ویرلمکسزین بولنر
دخی خود بخود یقیدرلمش اولدیغی یسایله بولنرک
یا من مللرله ابنیه داره سنجه مبايعه سی و یا خود

طرفلرندن یا پدرلی اوزره مقدار وافی مبالغک
اعطاسی و یا هیئت اصلیه لرینه ارجاعی شقلرندن
برینک اجراسنی طلبدن عبارت اولمسیله مومی الیه
رفیق افندی مجلس اداره ضبطیه معرفتیه تحت
محاکمه انهرق واقع اولان استجوابنده مذکور
اوطه لر سقط ومائل انهدام ایدوکی حاجی ابراهام
وپر طهوز واوزون یانی و یا قیولی یورکی و بابا یوس
وبارپورنی نام قالفه لر طرفلرندن بارپورط بیلدیرلمسه
بناء هدم اولمش اولدیغی سویلیوب مذکور راپورط
امانت مشارالیه حاجه تحری ایتدیرلدکده
بولدیرلمه مدیغی کی مذکور الاسامی قالفه لر دن
برطاسقی او یله راپورط ویردکرینی درخاطر
ایده مامکده بولندقلرینی و بعضیلری دخی فی الحقیقه
مذکور اوطه لر ایچون بر راپورط ویرمشلر ایسه ده
لزوم هدمی حقنده میدر یوخسه عکسینی مشعردز
بیه مدکرینی بیان ایله جمله سی یکزبان اوله رق
راپورطی معاینه وامضالرینی مشاهده ایتدکجه
برشی دیه میه جکرینی افاده ایدرک فقط ایچلرندن
اک مشهور و متعارف اولان بارپورنی قالفه کلوب
معلوماتی اخبار ایتماش و خانده اقامت ایدر
اشخاصک معلوماته مراجعت ایلدکده انلردخی
مذکور اوطه لرک سقط ایدوکی پیله مدکرینی
سویلمش اولدقلرندن طرفینک محاکمه لرینه لدی
الابتدار مومی الیهما مصطفی بک و امین افندی
مذکور افاده و ادعایینی تکرار ایدوب امانت مشار
الیهما وکیل رفعت افندی دخی امانت مذکور
اوطه لرک کشف ایدن قالفه لرک لزوم هدمنه دار
ویرمش اولدقلری راپورطه بناء یقیدرمش اولدیغی
واشو راپورط هر فصله ضایع اولمش و اوطه لر
هدمنه مأمور اولان رفیق افندی دخی اخیرا وفان
ایتمش ایدوکی بیان ایله اوزون یانی و یا شوب و نیقوا
و حاجی اورام و بویاجی کویلی یورکی قالفه لر

راپورطک وجودینی اعتراف ایتماشلر ایکن اره دن
سین و فیه مرور ایتدکدن صکره شهادتلی قاعده
حیز اعتبارده طوبیله مامق لازم کله جکندن شو
حاله کوره مذکور راپورط میدانده اولدقجه مجو
عنه اولان اوج باب اوطه نک الجآت ضروری به
بناء ونظام وقاعده جاریه سنه توفیقا هدم اولمش
اولدیغنه یقین حاصل وحکم قابل اولماغله امانت
مشار الیه جانندن مذکور اوطه لرک هیئت
اصلیه لر و جهله بالانشا مدعیان مومی الیهما به
تسلیمی لزومه دار شورای دولت محاکمات داره سندن
بدایه ویریلان اعلام علیه منده امانت مشار الیهما
طرفندن استیناف دعوی اولمشیه محکمه استیناف
حقوق قسمنجه طرفینک محاکمه لری اجرا قلندقدن
ومذکور اوطه لرک مائل انهدام اولوب علی حاله
ترک اولدیغی صورتده ییقلوب اهالی به ضرری
اوله جخی لدی الکشف ظاهر اولدیغک و مومی
الیهما امین افندی و مصطفی بک اصولی داره سنده
تنبیه وتقدم ایلدیکنک نه ایله اثبات ایدیله جکی
سؤالنه امانت مشار الیهما وکیل رفعت افندی
طرفندن مقدا سهوا کوندرلمش اولان مذکور
راپورطک اعاده سی حقنده امانت مشار الیهان
ضبطیه نظارت بهیه سنه یازیلان ۳ ذی الحجه
سنه ۱۲۸۷ تاریخلی تذکره دن بشقه برکونه اثباتی
اولدیغی جوانی ویرلدکدن صکره جریان ایدن
تذقیقاتک نتیجه سنه وکیل مومی الیه رفعت افندی
طرق و ابنیه نظامنامه سنک اونوز دردنجی ماده سنه
توفیقا مذکور اوطه لرک مائل انهدام اولوب علی
حاله ترک اولدیغی صورتده ییقلوب اهالی به ضرری
اوله جخی اهل و قوف طرفندن بار راپورط اخبار اولمش
اوزرینه صاحببری طرفنه تنبیه وتقدم ایلدکدن
صکره مذکور اوطه لر تعین اولنان اون بش کون
ظرفنده صاحببری طرفندن هدم اولدیغی جهته

طرفلرندن ممضی بر قطعه ورقه ابراز ایتکله لدی
المطالع مذکور خانک اوست قاتنده کائن اون باب
اوطه نک مائل انهدام وقائما تعمیری غیر قابل ایدوکی
عند الکشف اکلاشلمسه مینی هدمی ضمننده سکسان
یدی تاریخنده بر قطعه راپورط ویرمش اولدقلری مقالاتی
حاوی اولمسیله بوقالفه لر جلب واستجواب اولندقدنه
مائل ورقه یی تکرار ایله برابر مرور زمان ملاسسه سیله
کشف مذکورک تاریخ وقوعی لایقیه تخطر
ایده مامکده اولدقلرینی سویلری و خان مذکورک
اوطه باشیسی اغوب مغردیچندن دخی استفسار
ماده ایلدکده فذلکه مقالاتی مذکور خانک اوست
قاتنک کشفی صره ده ویریلان قرار مذکور اوج
اوطه نک حالیه ترکی صورتده ایکن مؤخر تکرار
کشفله انلرک دخی هدم ایتدیرلدیکی مرکزنده بولمش
اولسی اوزرینه اقتضاسی تذکر اولندقدنه مجو
اولان اوطه لر هدم ایتدیردیگی امانت مشار الیهانک
تحت اعترافنده بولمسنه نظرا بو خصوصه محتاج
بحث وتدقیق اولان شی صورت هدمک سبب
ضروری به مستند ونظام وقاعده جاریه سنه موافق
اولوب اولماسی مسئله سی بولوب امانت مشار الیهما
طرفندن بولنرک انهدامه مائل وقائما تعمیری غیر
قابل ایدوکی کشفه مأمور قالفه لرک ویرمش اولدقلری
راپورطندن اکلاشلمسه بناء هدم اولمش اولدیغی
درمیان ایلدکده ایسه ده اشبو راپورط میدانده
اولوب و بیان اولنان قالفه لرک دخی اولا امانت مشار
الیهانک افادات مسروده سی تصدیق ایتوب
اگرچه اثنای محاکمه ده وکیل رفعت افندی راپورطک
صحت اعطاسنی مثبت اولمق اوزره بر قطعه ورقه ابراز
ایتمش ایسه ده ورقه ده امضاسی بولسانلردن
بعضیلرینک اسم و کنیه لری مقدا اسامیسی خبر
ویریلان قالفه لرک اسم و کنیه لرینه غیر موافق
بولندیغی کی انلر اولمش اولسه پیله تحقیقات اولیده

وامانت مشار اليهاجه مأمور مخصوص واسطه سيله
هدم ايتديرلديكني وتذكره مذكوره نظارت مشار
اليها دن مبعوث ۲۷ ذى الحجه سنه ۲۸۷ تاريخي
جواب راپورطك وجوديني مثبت بولنديغني افاده
ايش و مذكور جوابده راپورطك تفتيش
مديرلكندن بالاخذ اعاده وارسال قلنديغني بيان
اولمش ايسهده اول و آخر ابراز ايديلان اوراق وكيل
مومي اليهك دفع مشروحن اثباته دليل كافي
كوريله ميوب بوياده كي ادعاسي قول مجرددن عبارت
بولمش اولسسه بناء شو حاليه وكيل مومي اليهك
درميان ايلديكي اعتراضاتك رديله اعلام مستأنف
يهك تمامي تصديقته متفقا قرار و بولديكي محرر در
دعوت واقعه اوزرينه طالب تميز اولان شهر امانت
بهيه سي جانبدن با تذكره مخومه عزتو جمال بك
وكالة ومدعي عليهما بوانان مصطفى بك وامين
افنديك اخيرا وفاتلري وقوعه ميني مصطفى بكك
ورثه سي طرفندن عساكر شاهانه قول اغازندن جمال
بك وامين افنديك ورثه سي طرفندن دخي مكتوب
صدر عالي مهمه او طه سي خلفاسندن محمد نشأت
افندي اصالة ووكالة دائريه كلرهك اوراق موجوده
مواجهه لنده قرائت و كندولري استجواب اولندي
امانت مشار اليها وكيلى جمال بكك فذلكه اعتراضاتي
مدعاه اولان او طه لك اول زمان مشرف خراب
اوله رق هدمي لزومه دائر ارباب وقوف طرفندن
ويرمش اولان راپورطك وجوديني امانت مشار
اليهانك ضبطيه نظارت بهيه سيله مخبره يي شامل
اولوب صورتى مقدما استيناف محكمه سنه اعطا
قلان ۳ ذى الحجه سنه ۲۸۷ تاريخي تذكره سي
مصدق اولديغني و بومثلو اوراق رسميهك هر برده
احتجاجه صالح ايدوكى دركار بولنديغني جهتنلره
مذكور راپورطك شمدي بولنه مامسي او طه لك
قاعده جاريه سنه توفيقا هدم ايتديرلديكنه مدار
حكم اوله ميه جني واول زمان راپورط و يروب

واقعه يه سكتنه ايراث ايدو جكي بيانيله عند التميز
بورالينك نظر دفته التمسى طلبني حاويز
ورثه وكيلى جمال بك و محمد نشأت افنديك
اجوبه سي دخي اعتراضات واقعه بدايه واستينافا
درميان ايديلان افادات و اعتراضاتي تكرار دن
عبارت اولديغني اعلام استينافينك مطالعه سيله ميدانه
چيقه جني و بونلرك جوابي اوراده مرقم ايدوكى
جهتنلره تكرار اعطاي جوابه محل كوريله مديكندن
بمثله اعلام مذكورك تصديقي و بونكله برابر شهر
امانت بهيه سي تميز ايچون بروجب نظام كفالتامه
اعطا ويا اقچه ديوزيتو ايتامش اولديغندن اول
امر ده بوجهت حقنده معامله نظاميهك اجراسي
استدعاسني متضمندر
الجباني لدى المذاكره اشخاص بيننده متكون دعوان
طولاني لاجل التميز كفالتامه اعطاسي ويا اقچه
ديوزيتوسي لزومي دركار ايسهده بونندن مقصد
نظامي حكم اول و ضرر وزيان و مصارف محاكمهك
تحت تأمينه التمسى ماده سي اولوب دوائر حكومت
حقنده ايسه بومقصدك اجراسي حاصلي تحصيل
قيلندن اولسيله غير جائز ايدو كنه بناء ورثه
و كيلى رينك امانت مشار اليها دن تأمينات اخدي
حقنده كي استدعالي قابل اسعاف اولماقوله رد
اولندقدنصكره اساس مصلحته كيريشلديكده تفصيلات
واقعه دن مستفاد اولديغني اوزره امانت مشار
اليها عليهته بدايه اقامه اولنان دعوى اوزرينه
مدعاه اولان او طه لك صورت هدمي اساميسي
خبر و بويان قالفله طرفندن اعطا اولوب مؤخر
ضايغ اولمش اولان راپورطه بنا قلنش اولسيله
جريان ايدن تحقيقات اولبهده بوقالفله ردن بعضيلري
اويله راپورط و يروب و يرمكاري بني و برطافى دخي
ذكر اولنان او طه لك ايچون بر راپورط و يرمكاري ايسهده
لزوم هدمي حقنده مي بوجسه عكسي صورتنده مي
اولديغني تخطر ايدو مديكاري بني بالبيان جمله سي بردن

بک اوغلی مرکز بدایت محکمه سی حقوق دأره سنده طقسان بش سنده سی اپلول غایه سنده

نوع دعاوی مدعیانک تبعیتی مدعی علیهک تبعیتی

منشأ دعاوی	ابتدا ویرلان اسند عا ووزینه	اعتراض علی الحکم طریقه	اعتراض القبر طریقه	بکون	دوآر دولت علیه	تبعه عثمانیه	تبعه اجنبیه	بکون	دوآر دولت علیه	تبعه عثمانیه	تبعه اجنبیه	بکون
التزام	۱	۰	۰	۱	۰	۱	۰	۱	۰	۰	۱	۱
تصرف املاک	۲۳	۲	۰	۲۵	۰	۲۵	۰	۲۵	۲	۲۱	۲	۲۵
ایجار و استیجار	۷۵	۲۳	۰	۱۰۸	۱	۹۷	۱۰	۱۰۸	۳	۷۴	۳۱	۱۰۸
اقراض و استقراض	۷۵	۸	۰	۸۳	۱	۷۷	۵	۸۳	۱	۸۰	۴	۸۳
کفالت	۳	۰	۰	۳	۰	۳	۰	۳	۰	۲	۱	۳
بیع و شرا	۱۷	۳	۰	۲۰	۰	۲۰	۰	۲۰	۱	۱۷	۲	۲۰
رهن	۱	۰	۰	۱	۰	۱	۰	۱	۰	۱	۰	۱
امانت	۸	۰	۰	۸	۰	۷	۱	۸	۰	۷	۱	۸
دعاوی متوجه	۳۱	۱۰	۰	۴۱	۰	۴۱	۰	۴۱	۲	۳۸	۱	۴۱
جمعاً بکون	۲۴۴	۴۶	۰	۲۹۰	۲	۲۷۲	۱۶	۲۹۰	۹	۲۴۰	۴۱	۲۹۰

دکین در دست رویت بولنان دعاویک جنس و مقدارینی مبین جدولدر

اسدعانک قیدی تاریخندن ماه مذکور نهائینه قدر مرور ایدن زمان

بر هفته	ایک هفته	اوج هفته	برای	ایک آی	اوج آی	درت آی	بش آی	التی آی	طافوز آی	بر سنده	بکون
۰	۰	۰	۰	۱	۰	۰	۰	۰	۰	۰	۱
۲	۱	۰	۱	۶	۳	۷	۲	۳	۰	۰	۲۵
۶	۱۲	۱	۵	۱۲	۱۸	۲۱	۱۶	۸	۸	۱	۱۰۸
۱۷	۷	۲	۲	۱۰	۱۵	۷	۹	۱۲	۲	۰	۸۳
۰	۱	۰	۰	۰	۰	۰	۱	۰	۱	۰	۳
۰	۱	۱	۰	۸	۲	۳	۴	۰	۱	۰	۲۰
۰	۰	۰	۰	۱	۰	۰	۰	۰	۰	۰	۱
۰	۲	۰	۰	۱	۱	۱	۲	۰	۱	۰	۸
۱	۳	۰	۲	۷	۱۱	۶	۷	۱	۲	۱	۴۱
۲۶	۲۷	۴	۱۰	۴۶	۵۰	۴۵	۴۱	۳۴	۱۵	۲	۲۹۰

(يکرمجي نومرولى جريدهء محاکمه مندرج)

(اعلامك بقیه سی)

کبدلیه یرک بر وجه محرر حکم واعلام اولمسی
یولسز و اصول محاکمه یه مغایر و مستدعی مرقومك
باشلوجه اعتراضی دخی بونقطه یه منحصر بولمیش
اولدیفندن نظامنامهء داخلینک ایکجی ماده سی
موجبجه اعلام مذکور نقض ایدلمش اولمغله کیفیت
منقوضیتی اصولی و جهله قیدی بالاسنه شرح
ویرلدکن صکره نظامنامهء مذکورك اون اوچجی
ماده سی موجبجه مصلحتك رویت و تدقیق واعلامه
ربطی ضمننده دائرة مذکوره یه حواله سنه واعلام
خرجی اولق اوزره ایجاب ایدن الی غروش لیری
عثمانینک خسی اولان اون غروش ایچون قرق
غروشلق قائمه وقصوری بولنان قرق غروشك
لیرا و صورت و تبلیغ خرجلری اولان التمش غروشك
خسی اولان اون ایکی غروش ایچون دخی قرق سکر
غروشك قائمه وقصوری بولنان قرق سکر غروشك
دخی مجیدی اوله رق ایلروده حقسنز چیقجه جق
طرفه رجوع ایتك اوزره قصاب خرستودن التمشنه
فی ۲۰ جمادی الاولی سنه ۹۶ تاریخنده متفقا قرار
ویریلهرك طرفین و کیلارینه تفهیم اولمسی

(اعلان)

محاکمات حقوفیه و جزائییه و تشکیل محاکم واعلاماتك
صورت اجراسی قانونلریله خرج تعرفه سی مؤخر
تقرر ایدن تعدیلاتلریله برابر بوکره یکیدن مطبعه
عامروده دقت کامله ایله بالتصحیح طبع اولمهرق
منحصرا عدلیه اوزام مأموریتنده و سلطان محمود
تریه سی نزدنده معارف کتبخانه سیله صحافی چارشوسنده
میری دکاننده فیئات سابقه سیله صائلمقده در

مقدم لایحه صورتیله طبع اولنوب مؤخر ابطال
و محو اولانلردن الله قالمشلی غزته موزعلری و قرائت
خانه جی وسائر الله کچوب صائلمقده اولدقلری
استماع اولندیغندن مطبعه عامروده باصدریلان
اصل صحیحی لاجل التأمین بالاده محرر محارر
صائدرلمقده اولدیغی اخطار اولنور

احمد افندیك رجب افندی یه بااعلام محکوم
دینی بولنان مبالغ معلومه نك تسویه سی ضمنند
مدیونك عهدده سنده بولنان سلطان سلیم جوارند
چراغی حزه محله سنده لوقه جی زقاغنده اوج
نومرولی برباب خانه سنك نصفیه فاتح جوارند
خفافخانه ده کائن یتیم سکر نومرولی برباب دکان
اعلامات شرعییه مأموریت اجراییه سی و درسه ادا
بدایت محکمه سی اجرا مأموریتی دائرة سنندن فروخت
اولمجه جی اعلان اولنور

زنوب اغانك شرکت خیرییه قومپانییه سنده مقیم
ابدال اوغلی اندون اغا ذمتنده بااعلام مطلوبی
اولان مبالغ معلومه نك تسویه سی ضمننده داین مرقوم
تزدنده مرهون اولان برتك طاشلی پرلاته یوزک
ایله قنچالری یوق برچفت پرلاته کوپه اشبوتشیرین
ثانینک یکرمی ایکجی پنجشنبه کونی چارشوی کیرن
قیومجیلر ایچنده ساعت بش راده لرنده بالزاید
فروخت اولمجه جی طالب اولنلرك یوم مذکور
مزایده محلنده بولمقلری بك اوغلی بدایت محکمه سی
اجرا داره سی طرفندن اعلان اولنور

مطبعهء عامروده طبع اولمسی